

**Broj: X-K-08/572 - 3****Sarajevo, 22.09.2009. godine****U I M E B O S N E I H E R C E G O V I N E**

Sud Bosne i Hercegovine, u vijeću sastavljenom od sudije Ljubomira Kitića kao predsjednika vijeća, te sudija Šabana Maksumića i Nenada Šelede kao članova vijeća, uz sudjelovanje pravnog saradnika Lane Ferović kao zapisničara, u krivičnom predmetu protiv optuženog Ilić Željka, zbog krivičnog djela Organizirani kriminal iz člana 250. stav 3. Krivičnog zakona Bosne i Hercegovine (KZ BiH), u vezi sa krivičnim djelom Neovlašten promet opojnim drogama iz člana 195. stav 1. KZ BiH, povodom optužnice Tužilaštva Bosne i Hercegovine – Posebni odjel za organizovani kriminal, privredni kriminal i korupciju, broj: KT-339/08 od 20.02.2009. godine, nakon održanog glavnog, usmenog i javnog pretresa povodom Sporazuma o priznanju krivnje, u prisustvu tužioca Tužilaštva BiH Diane Kajmaković, optuženog Ilić Željka i njegovog branioca, advokata Kočo Midhata, donio je i javno objavio dana 22.09.2009. godine sljedeću:

**P R E S U D U**

**ILIĆ ŽELJKO, zvan „Kosijer“**, od oca Danila i majke Milosavke, rođene Vujović, rođen 04.01.1965. u selu Dola, opština Bileća..., osuđivan ...

**K R I V J E**

Što je:

Početakom 2008. godine **Ilić Željko**, za vrijeme dok se nalazio u bjekstvu, zbog počinjenog krivičnog djela Neovlaštena proizvodnja i promet opojnih droga iz člana 224. Krivičnog zakona RS, organizovao i rukovodio zločinačkom organizacijom u smislu člana 1. stav 19. Krivičnog zakona Bosne i Hercegovine (KZ BiH), koja je djelovala sve do kraja mjeseca avgusta 2008. godine, i koja je organizovana radi neovlaštene međunarodne kupoprodaje, prijenosa, prevoza, držanja, posredovanja u daljnjoj međunarodnoj prodaji, slanja i isporuke opojne droge marihuana – skank, koja je Konvencijom o psihotropnim supstancama od 1971. godine i Rješenjem o popisu opojnih droga ("Službeni list R BiH" br. 2/92 i 13/94), proglašena opojnom drogom i čiji se promet može obavljati samo na temelju dozvole nadležnog organa sukladno Zakonu o proizvodnji i prometu opojnih droga ("Službeni list R BiH" br. 2/92 i 13/94) i čiji je promet zabranjen odredbama Zakona o sprječavanju i suzbijanju zloupotrebe opojnih droga („Službeni glasnik BiH“ broj 8/06), i to sa područja Republike Crne Gore na područje Bosne i Hercegovine s ciljem dalje prodaje na području Bosne i Hercegovine i daljeg prebacivanja, posredovanja i prodaje na područje Republike

Hrvatske, a kojoj zločinačkoj organizaciji su pristupili Jurković Zdravko i više njemu poznatih izvjesnih osoba sa područja Bosne i Hercegovine zajedno sa Krstović Igorom iz Crne Gore, pa je tako organizovana zločinačka organizacija vršila naprijed pobrojane radnje neovlaštenog međunarodnog prometa opojnim drogama u periodu od mjeseca februara 2008. godine pa sve do kraja mjeseca avgusta 2008. godine, tako što su:

### **1. Ilić Željko i Jurković Zdravko sa više njima poznatih izvjesnih osoba zajedno**

**Ilić Željko**, u direktnom dogovoru sa Krstović Igorom iz Crne Gore, počev od februara 2008. godine, kontinuirano prebacivali prethodno ugovorene količine i vrste opojne droge marihuana – skank, dogovorenog kvaliteta i cijene, koje je **Ilić Željko** naručivao od Krstović Igora, nakon čega bi Krstović Igor organizovao njemu poznata NN lica radi pakovanja i prebacivanja preko granice iz Republike Crne Gore u Bosnu i Hercegovinu, a Ilić Željko dalje organizovao preuzimanje i distribuciju iste, kako na području Bosne i Hercegovine tako i dalje na područje Republike Hrvatske, na način da je jedan dio droge isporučivan Jurkoviću Zdravku zvanom „Ganfo“, a koju drogu su dostavljali i naplaćivali **Ilić Željko** i druge njima poznate izvjesne osobe, te i njemu poznato lice po imenu Glušac Radivoje, pa je tako u pomenutom periodu **Jurković Zdravku** isporučeno najmanje 45 kg, u najmanje četiri navrata i to po cijeni od 200,00 do 1.200,00 eura po jednom kg, a što je zavisilo od vrste odnosno kvalitete opojne droge, koju je **Jurković Zdravko** zatim preuzimao u skrovištu kod stare kuće Čoko Mila i u skrovištu kod stare crkve u Bobanovom selu, općina Stolac, gdje su je po prethodnom dogovoru donosili i sakrivali **Ilić Željko** i njemu poznate izvjesne osobe, kao i Glušac Radivoje, a koju je **Jurković Zdravko** neposredno nakon preuzimanja iz skrovišta a po prethodnom dogovoru sa njemu znanim licem po nadimku „Bepo“ iz RH, općina Split, dalje, svojim PMV prevezio do drugog skrovišta u blizini ulaza u Čapljinu gdje bi istu ostavljao te putem telefona obavještavao „Bepa“, koji bi posredstvom njemu znane NN osobe istu preuzimao i prebacivao sa područja BiH na područje Splita, RH, da bi ovako prebačenu drogu kasnije naplaćivao na način da mu je „Bepo“ slao novac putem autobusa u Čapljinu ili Metković.

### **2. Ilić Željko sa više njemu poznatih izvjesnih osoba,**

**Ilić Željko**, u direktnom dogovoru sa Krstović Igorom iz Crne Gore, počev od februara 2008. godine, kontinuirano prebacivali prethodno ugovorene količine i vrstu opojne droge marihuana – skank, dogovorenog kvaliteta i cijene, koju je **Ilić Željko** naručivao od Krstović Igora, nakon čega bi Krstović Igor organizovao njima poznata NN lica radi pakovanja i prebacivanja preko granice iz Republike Crne Gore u Bosnu i Hercegovinu, a **Ilić Željko** dalje organizovao preuzimanje i distribuciju iste, kako na području Bosne i Hercegovine tako i dalje na područje Republike Hrvatske, na način da je dio droge isporučivan njemu poznatim izvjesnim osobama u Zenicu, i to po prethodnom dogovoru sa **Ilić Željkom**, a koju

drogu su dostavljale izvjesne njemu poznate osobe same ili u društvu sa **Ilić Željkom**, u više navrata, uglavnom koristeći kao prevozno sredstvo PMV marke Golf 1, crvene boje, godina proizvodnje 1982. registarskih oznaka 311-T-568, kao i PMV marke Golf 1, crvene boje, godina proizvodnje 1982. registarskih oznaka 690-J-314, i to skriveno u tapacirungu vrata i ispod blatobrana s obje strane vozila, pa je tako u pomenutom periodu isporučeno najmanje 28 kg opojne droge marihuana, različitog kvaliteta, po cijeni od 750,00 do 1.250,00 Eura po jednom kg, za koju je ukupno plaćeno najmanje 28.000,00 Eura, koja opojna droga je istovarana u dvorištu kuće na adresi Ivana Gundulića broj 1. u Zenici, kojom prilikom bi izvjesna njemu poznata osoba, pakete sa upakovanom opojnom drogom, direktno ubacivala u predmetnu kuću, kroz prozor kuće, i koju bi potom svi zajedno vagali u predmetnoj kući, nakon čega bi vršili plaćanje isporuke, da bi dana 26.08.2008. godine, prilikom pretresa objekata koje koriste dvije izvjesne njemu poznate osobe i to u kući u ulici Ivana Gundulića broj 1. u Zenici i u kući u ulici Masarikova broj 43. u Zenici, bilo pronađeno i privremeno oduzeto 8 kg i 948 g bruto mase opojne droge marihuana – skank (Cannabis sativa L.),

### **3. Ilić Željko, sa njemu više poznatih izvjesnih osoba**

**Ilić Željko**, u direktnom dogovoru sa Krstović Igorom iz Crne Gore, počev od februara 2008. godine, kontinuirano prebacivali prethodno ugovorenu količinu i vrstu opojne droge marihuana – skank, dogovorenog kvaliteta i cijene, koje je **Ilić Željko** naručivao od Krstović Igora, nakon čega bi Krstović Igor organizovao njima poznata NN lica radi pakovanja i prebacivanja preko granice iz Republike Crne Gore u Bosnu i Hercegovinu, a **Ilić Željko** dalje organizovao preuzimanje i distribuciju iste, kako na području Bosne i Hercegovine tako i dalje na područje Republike Hrvatske, na način da je dio opojne droge marihuana u količini od najmanje 15 kg, koja je isporučivana Jurković Zdravku i Čoko Milu, skrivan kod njemu poznate osobe, na njemu poznatom mjestu u blizini odnosno ispod njegove porodične kuće u Stocu i to po zahtjevu **Ilić Željka**, a u dogovoru sa njemu poznatom izvjesnom osobom, odakle je izvjesna njemu poznata osoba najmanje jednom vršila daljnji transport opojne droge marihuane u količini od najmanje 10 kg na područje Banja Luke i to na način da je najprije telefonski stupio u kontakt sa Knežević Jelenkom zvanim „Rogonja“ iz Banja Luke, s kojim bi dogovorio vrstu, kvalitet, količinu i cijenu opojne droge marihuana koju nudi na isporuku, potom u dogovoru sa njemu poznatom izvjesnom osobom istu preuzimao od njega u Stocu i dalje svojim PMV marke Golf 1, crvene boje, godina proizvodnje 1982, registarskih oznaka 311-T-568, drogu upakovanu u sportsku torbu, dalje transportovao do Banja Luke gdje ju je predavao Knežević Jelenku i to na način da je Knežević drogu lično preuzimao i prebacivao u svoje PMV sive boje te dalje prevozio na njemu poznato mjesto radi prodaje i sticanja protivpravne imovinske koristi.

### **4. Ilić Željko sa više njemu poznatih izvjesnih osoba**

Poznata izvjesna ženska osoba u zajedničkom dogovoru sa **Ilić Željkom**, počev od dana 8.4.2008. godine kada je **Ilić Željko** lišen slobode na osnovu rješenja Okružnog suda u Banja Luci, broj KPP-01/07P od 5.1.2007. godine zbog postojanja osnovane sumnje da je počinio krivično djelo Organizovani kriminal iz člana 383.a) stav 2. Krivičnog zakona RS u vezi sa krivičnim djelom Neovlaštena proizvodnja i promet opojnih droga iz člana 224. stav 2. u vezi sa stavom 1. KZ RS i krivično djelo Falsifikovanja isprave iz člana 377. stav 2. KZ RS, preuzela rukovođenje zločinačkom organizacijom tako što je koristeći svoj povlašteni položaj branioca **Željka Ilića**, sa kojim je imala mogućnost nesmetanog komuniciranja za svo vrijeme trajanja mjere pritvora, na način da je postupajući po uputama **Ilić Željka**, preuzela **Ilićevo** pismo sa brojem telefona poznate osobe, a koje pismo je **Ilić Željko** namjenio njemu poznatoj izvjesnoj osobi, i na taj način prihvatila da stupa u telefonske kontakte sa poznatom osobom te da istom prenosi poruke **Ilić Željka**, a **Ilić Željku** prenosi odgovore, informacije i dodatna pitanja kao i zahtjeve za pojašnjenja upućena od strane njemu poznate osobe, te je njemu navedena poznata izvjesna osoba na pomenuti način omogućila nesmetanu komunikaciju između **Ilić Željka** i njemu poznate osobe i to tako što je svakodnevno komunicirala sa **Ilićem**, a najmanje tri puta sedmično sa **Iliću** poznatom osobom, a koja komunikacija se odnosila na razmjenu informacija o količinama i vrsti opojne droge, za koju je u toj komunikaciji korišteno više šifrovanih naziva i to „roba“, „skupo“, „jeftino“, „kamion“, „patike“, „sportska oprema“ „trenerke“, koja je neovlašteno stavljana u međunarodni promet, i iznosima novca pribavljenog tim prometom, te postojećih dugova u vezi sa preuzetom opojnom drogom od Krstović Igora iz Crne Gore koja do tog trenutka još nije plaćena, te je nedugo nakon uspostavljenog kontakta sa **Iliću** poznatom osobom uspostavila i direktnu telefonsku komunikaciju sa drugim **Iliću** poznatim osobama, na području Bosne i Hercegovine, te sa osumnjičenim Krstović Igorom na području R. Crne Gore, a sve u vezi sa neovlaštenim prometom opojne droge marihuana, odnosno u vezi sa naručenim količinama, isporučenim količinama, ostvarenom naplatom, i isplatom isporučiocu Krstović Igoru u R. Crnu Goru, kao i radi direktnog preuzimanja najmanje 5.000,00 Eura od optuženog Jurković Zdravka, koji novac potiče od neovlaštenog prometa opojnom drogom marihuana.

### **Dakle,**

Optuženi Ilić Željko organizovao zločinačku organizaciju u smislu člana 1. stav 19. KZ BiH koju sačinjavaju optuženi Jurković Zdravko i druga njima poznata lica, koja je organizovana radi vršenja krivičnog djela Neovlaštena promet opojnim drogama iz člana 195. stav 1. KZ BiH, te je kao organizator u radnjama opisanim tačkama 1, 2, 3 i 4 vršio neovlaštenu međunarodnu kupovinu i organizovao prenos, prevoz, držanje, posredovanje u daljoj međunarodnoj prodaji, slanju i isporuci opojne droge „marihuana-skank“;

### **Čime je počinio:**

**Krivično djelo Organizirani kriminal iz člana 250. stav 3. Krivičnog zakona Bosne i Hercegovine u vezi sa krivičnim djelom Neovlašteni promet opojnim drogama iz člana 195. stav 1. KZ BiH a sve u vezi sa članom 54. KZ BiH.**

Pa mu Sud na osnovu gore navedenih članova, te uz primjenu članova 39, 42, 49. i 50. KZ BiH za predmetno krivično djelo utvrđuje kaznu zatvora u trajanju od **šest (6) godina i šest (6) mjeseci**,

te ga, uzimajući kao već utvrđenu kaznu zatvora od **pet godina i jedan mjesec** izrečenu Presudom Okružnog suda u Banja Luci br. 011-0-K-08-000-006-P od 08.07.2008. godine, u skladu sa članom 55. stav 1. KZ BiH,

na osnovu gore navedenih zakonskih propisa i uz primjenu člana 53. stav 2. tačka a) KZ BiH,

**O S U Đ U J E**  
**NA JEDINSTVENU KAZNU ZATVORA U TRAJANJU OD JEDANAEST**  
**(11) GODINA**

Na osnovu člana 56. KZ BiH u izrečenu zatvorsku kaznu optuženom Ilić Željku uračunava se vrijeme koje je proveo u pritvoru po rješenju ovog Suda broj X – KRN – 08/572 od dana lišenja slobode 26.08.2008. godine pa do upućivanja na izdržavanje kazne.

Na osnovu istog člana optuženom Ilić Željku u izrečenu zatvorsku kaznu uračunava se i vrijeme koje je proveo u pritvoru po rješenju Okružnog suda u Banja Luci broj 011 – 0 – Kpp – 07 – 000 001 – p, počev od 08.04.2008. godine pa do 08.07.2008. godine.

Na osnovu člana 396. ZKP BiH u vezi sa članom 110. stav 1. KZ BiH od optuženog Ilić Željka oduzima se imovinska korist u iznosu od 5.000,00 KM.

Na osnovu člana 188. stav 1. Zakona o krivičnom postupku BiH, optuženi se obavezuje naknaditi troškove krivičnog postupka u paušalnom iznosu od 300,00 KM.

**O b r a z l o ž e n j e**

Tužilaštvo Bosne i Hercegovine je optužnicom broj: KT-339/08 od 20.02.2009. godine, potvrđenom dana 23.02.2009. godine, te preciziranom dana 11.08.2009. godine, optužilo Ilić Željka za Organizirani kriminal iz člana 250. stav 3. Krivičnog zakona Bosne i Hercegovine (KZ BiH), u vezi sa krivičnim djelom Neovlašteni promet opojnim drogama iz člana 195. stav 1. KZ BiH

Dana 02.07.2009. godine, optuženi Ilić Željko i njegov branilac, advokat Kočo Midhat, zaključili su sporazum o priznanju krivnje sa tužiteljicom Tužilaštva BiH Dianom Kajmaković, te sporazum dostavili Sudu na razmatranje.

Sud je, u skladu sa članom 231. ZKP BiH, razmotrio zaključeni sporazum o priznanju krivnje. Optuženi je sporazumom priznao krivnju za počinjeno krivično djelo Organizirani kriminal iz člana 250. stav 3. KZ BiH u vezi sa krivičnim djelom Neovlašten promet opojnim drogama iz člana 195. stav 1. KZ BiH, a koja djela mu se optužnicom stavljaju na teret. U sporazumu je predloženo da se optuženom, za počinjeno krivično djelo izrekne kazna zatvora u trajanju od šest (6) godina i šest (6) mjeseci i da mu se oduzme protivpravna imovinska korist pribavljena krivičnim djelom u iznosu od 5.000,00 KM, a optuženi Ilić Željko obavezuje se svjedočiti o svim činjenicama koje su mu poznate u ovom krivičnom predmetu i o svim izvršiocima, saizvršiocima i pomagačima tih djela koja su njemu poznata i u kojima je eventualno i sam sudjelovao, kao i da je optuženi saglasan, ukoliko ga Sud ne oslobodi naknade troškova, da naknadi troškove krivičnog postupka koje Sud utvrdi.

Tokom pretresa za razmatranje sporazuma o priznanju krivnje, Sud je utvrdio da je optuženi sklopio navedeni sporazum dobrovoljno, svjesno i sa razumijevanjem, a nakon što je upoznat sa mogućim posljedicama, uključujući i posljedice vezane za moguće imovinsko pravne zahtjeve i troškove krivičnog postupka. Sud je utvrdio i da postoji dovoljno dokaza o krivnji optuženog, kao i da je optuženi razumio da se na ovaj način odriče prava na suđenje i da ne može uložiti žalbu na krivičnopravnu sankciju koja će mu biti izrečena.

Tokom pretresa za izricanje krivičnopravne sankcije, održanog dana 22.09.2009. godine, a nakon što je optuženi prethodno ispunio sve svoje obaveze naznačene u sporazumu, odnosno nakon što je Sud prihvatio predmetni sporazum, tužiteljica Tužilaštva BiH je istakla kako je Tužilaštvo, prilikom predlaganja krivičnopravne sankcije navedene u sporazumu, u obzir uzelo pomoć optuženog u rasvjetljavanju predmetnih krivičnih djela, korektno držanje optuženog tokom istrage i pretresa, kajanje za počinjeno krivično djelo i njegovu porodičnost odnosno ekonomsku situaciju u kojoj ostavlja svoju porodicu. Kao otežavajuće okolnosti tužiteljica je navela raniju osuđivanost optuženog za ista i istovrsna krivična djela. Konačno, tužiteljica je istakla kako će se izricanjem jedinstvene kazne zatvora, budući da ranije izrečenu kaznu optuženi nije izdržao, te oduzimanjem imovinske koristi, postići kako opšta tako i posebna svrha kažnjavanja. Branilac optuženog, advokat Kočo Midhat, složio se sa svim navodima tužiteljice, te dodao da je optuženi djelo u cijelosti priznao i da nikada nije pronađen ni gram droge u ovom predmetu. Takođe, branilac smatra kako bi Sud trebao uzeti u obzir da je njegov branjenik kao mlad čovjek zahvaćen ratom, da je ranjen u ratu nekoliko puta, te da uslijed teških uslova života nije mogao izdržavati svoju porodicu. Konačno, branilac je istakao da je optuženi porodičan čovjek i predložio da Sud izrekne jedinstvenu kaznu zatvora u trajanju od deset godina.

Nakon vijećanja i glasanja, Sud je sporazum o priznanju krivnje u cijelosti prihvatio, nalazeći da su ispunjeni svi uslovi iz člana 231. stav 6. ZKP BiH.

Cijeneći dokaze koji su od strane Tužilaštva BiH dostavljeni uz optužnicu, i to: CD sa svim materijalnim dokazima u predmetu KT – 339/08: *Zapisnik o ispitivanju osumnjičenog Ilić Željka broj KT-339/08 od 27.8.2008. godine; Zapisnik o ispitivanju osumnjičenog Ilić Željka broj KT-339/08 od 16.12.2008. godine; Sporazum o priznanju krivnje Ilić Željka sa Specijalnim tužilaštvom RS, broj KT-ST-18/07 od 27.6.2008. godine, Presuda Okružnog suda u Banja Luci broj 011-0-K-08-000-006-p od 8.7.2008. godine i Rješenje Okružnog suda u banja Luci 011-0-K-08-000-006-p od 8.7.2008. godine; Zapisnik o ispitivanju osumnjičenog Glušac Nikola broj KT-339/08 od 27.8.2008. godine; Zapisnik o ispitivanju osumnjičenog Glušac Nikole broj KT-339/08 od 18.12.2008. godine; Zapisnik o ispitivanju osumnjičenog Jurković Zdravka broj KT-339/08 od 26.8.2008. godine; Zapisnik o ispitivanju osumnjičenog Jurković Zdravka broj KT-339/08 od 23.9.2008. godine; Zapisnik o ispitivanju osumnjičene Kogoj Andree broj KT-339/08 od 26.8.2008. godine; Zapisnik o ispitivanju osumnjičene Kogoj Andree broj KT-339/08 od 16.9.2008. godine; Zapisnik o ispitivanju osumnjičenog Čulum Marice broj KT-339/08 od 27.8.2008. godine; Zapisnik o ispitivanju osumnjičenog Ramić Sabre broj KT-339/08 od 27.8.2008. godine; Zapisnik o ispitivanju osumnjičenog Samardžić Borisa broj KT-339/08 od 27.8.2008. godine; Zapisnik o ispitivanju osumnjičenog Samardžić Borisa broj KT-339/08 od 15.9.2008. godine; Zapisnik o ispitivanju osumnjičenog Bjeletić Ilije broj KT-339/08 od 27.8.2008. godine; Presuda Osnovnog suda u Banja Luci broj K 1727608 K od 11.6.2008. godine kojom je Bjeletić Ilija oglašen krivim za krivično djelo neovlaštena proizvodnja i promet opojnih droga iz člana 224. Stav 1. Krivičnog zakona RS; Zapisnik o ispitivanju osumnjičenog Prce Ante broj KT-339/08 od 26.8.2008. godine; Izvod iz kaznene evidencije za Ilić Željka i Glušac Nikolu broj 12-7/01-234.1-1-102/08 od 5.9.2008. godine; Izvod iz kaznene evidencije za Čulum Maricu broj 08-2/6-234-1166/08 od 13.10.2008. godine; Izvod iz kaznene evidencije za Jurković Zdravka i Prce Antu broj 02-02/6-4-04-2066/08 od 9.9.2008. godine; Izvod iz kaznene evidencije za Samardžić Borisa broj 12-7/01-SI/08 od 26.8.2008. godine; Izvod iz kaznene evidencije za Bjeletić Iliju broj 12-02/5-235-4/194 od 5.9.2008. godine; Izvod iz kaznene evidencije za Ramić Sabru i Kogoj Andreu broj 08-03/7-4-04-12-1-850/08 od 8.9.2008. godine; Zapisnik o saslušanju svjedoka Glušac Radivoja broj KT-339/08 od 27.8.2008. godine; Zapisnik o saslušanju svjedoka Glušac Radivoja broj KT-339/08 od 8.10.2008. godine; Zapisnik o saslušanju svjedoka Skočajić Borisa broj KT-339/08 od 8.10.2008. godine; Zapisnik o saslušanju svjedoka Dabić Bojan broj KT-339/08 od 16.12.2008. godine; Zapisnik o saslušanju svjedoka Tubić Srđana broj KT-339/08 od 2.2.2008. godine; Naredba za vještačenje broj KT-339/08 od 2.9.2008. godine i Nalaz i mišljenje vještačenja NN materije, Centra za forenziku i potporu Federalne uprave policije broj 09-14/1-1-04-5-5234 od 10.9.2008. godine; Naredba za vještačenje broj KT-339/08 od 9.2.2009. godine i Nalaz i mišljenje vještačenja biljne materije, Centra za forenziku*

*i potporu Federalne uprave policije broj 09-14/1-1-04-5-730 od 11.2.2009. godine; Naredba za grafološko vještačenje broj KT-339/08 od 16.12.2008. godine i Nalaz i mišljenje sudskog vještaka za oblast vještačenja dokumenata, novčanica, rukopisa i potpisa Ljubomira Gogića od 24.12.2008. godine, Rješenje o naknadi troškova u iznosu od 3178,50 KM Stalnom sudskom vještaku Gogić Ljubomiru br.KT-339/08 od 02.02.2009. godine; Zahtjev za vještačenje tragova biljne materije MUP-a RS, CJB Trebinje broj 12-02/7-233-49/08 od 1.8.2008. godine i Nalaz Kriminalističko – tehničkog centra MUP-a RS broj 02/8-1-233-1843/08 od 12.8.2008. godine; Naredba Suda Bosne i Hercegovine X-KRN-08/572 od 15.9.2008. godine za pretresanje uređaja za automatsku obradu podataka – mobitela, kompjutera, disketa, Rješenje o naknadi troškova u iznosu od 2888 KM sudskom vještaku br.KT-339/08 od 06.09.2008. godine i Nalaz pretresanja sadržaja telefonskih aparata, SIM kartica, perosonalni računara i memorijskih medija MUP-a RS, Uprava kriminalističke policije, Trninić Željko, od 30.9.2008. godine; Naredba za analitičko vještačenje nadziranih telefonskih brojeva broj KT-339/08 od 26.11.2008. godine i Tehničko pojašnjenje pribavljenih podataka MUP-a RS, Uprava krim policije broj 02/9-205/08 od 17.12.2008. godine; Naredba za analitičko vještačenje nadziranih telefonskih brojeva broj KT-339/08 od 6.1.2009. godine, Izvještaj o analizi MUP-a RS, Odjeljenje za krim obavještajne analize, broj 02/6-INT-101/09 od 3.2.2009. godine Miodraga Delića; Naredba Suda Bosne i Hercegovine broj X-KRN-08/572 od 15.1.2008. godine i Izvještaj o izvršenim pregledima i analizama dostavljenog sadržaja procesorske jedinice i ručnih radio stanica Odsjeka za informatiku FUP-a od 22.1.2009. godine i Odsjeka za komunikacije u Operativno komunikacijskom centru FUP-a broj 16/02 od 16.1.2009. godine i Izvještaj Babić Samira, FMUP, Federalna uprava policije, Centar za forenziku i podršku, Odjeljenje za KDZ i TZ, dostavljeno uz akt FUP-a broj: 14/4-4 od 16.02.2009. godine sa pripadajućim mobilnim telefonskim aparatima; Naredba – posebne istražne radnje - Okružnog suda u Trebinju broj 015-0-Kpp-08-000002 od 2.4.2008. godine sa pratećim prijedlogom Okružnog tužilaštva u Trebinju broj Kta-47-4/08 od 31.3.2008. godine; Naredba – posebne istražne radnje - Okružnog suda u Trebinju broj 015-0-Kpp-08-000012 od 9.4.2008. godine sa pratećim prijedlogom Okružnog tužilaštva u Trebinju broj Kta-199/08 od 9.4.2008. godine; Naredba – posebne istražne radnje - Okružnog suda u Trebinju broj 015-0-Kpp-08-000012 od 11.4.2008. godine sa pratećim prijedlogom Okružnog tužilaštva u Trebinju broj Kta199-1/08 od 10.4.2008. godine; Naredba – posebne istražne radnje - Okružnog suda u Trebinju broj 015-0-Kpp-08-000002 od 11.4.2008. godine sa pratećim prijedlogom Okružnog tužilaštva u Trebinju broj Kta-47-6/08 od 10.4.2008. godine; Naredba – posebne istražne radnje - Okružnog suda u Trebinju broj 015-0-Kpp-08-000016 od 22.4.2008. godine sa pratećim prijedlogom Okružnog tužilaštva u Trebinju broj Kta-209/08 od 18.4.2008. godine; Naredba – posebne istražne radnje - Okružnog suda u Trebinju broj 015-0-Kpp-08-000012 od 21.4.2008. godine sa pratećim prijedlogom Okružnog tužilaštva u Trebinju broj Kta-199-2/08 od 18.4.2008. godine; Naredba – posebne istražne radnje - Okružnog suda u Trebinju broj 015-0-Kpp-08-000002 od 8.5.2008. godine sa pratećim prijedlogom Okružnog tužilaštva u Trebinju broj Kta-47-9/08 od*

7.5.2008. godine; Naredba – posebne istražne radnje - Okružnog suda u Trebinju broj 015-0-Kpp-08-000016 od 7.5.2008. godine sa pratećim prijedlogom Okružnog tužilaštva u Trebinju broj Kta-209-1/08 od 7.5.2008. godine; Naredba – posebne istražne radnje - Okružnog suda u Trebinju broj 015-0-Kpp-08-000012 od 8.5.2008. godine sa pratećim prijedlogom Okružnog tužilaštva u Trebinju broj Kta-199-3/08 od 7.5.2008. godine; Naredba – posebne istražne radnje - Okružnog suda u Trebinju broj 015-0-Kpp-08-000016 od 21.5.2008. godine sa pratećim prijedlogom Okružnog tužilaštva u Trebinju broj Kta-209-4/08 od 20.5.2008. godine; Naredba – posebne istražne radnje - Okružnog suda u Trebinju broj 015-0-Kpp-08-000016 od 26.5.2008. godine sa pratećim prijedlogom Okružnog tužilaštva u Trebinju broj Kta-209-5/08 od 23.5.2008. godine; Naredba – posebne istražne radnje - Okružnog suda u Trebinju broj 015-0-Kpp-08-000012 od 4.6.2008. godine sa pratećim prijedlogom Okružnog tužilaštva u Trebinju broj Kta-199-6/08 od 4.6.2008. godine; Dopis Okružnog tužilaštva u Trebinju broj Kt-366/08 od 13.8.2008. godine o ustupanju predmeta na nadležni postupak; Izvještaj o počinjenom krivičnom djelu MUP-a RS, CJB Trebinje broj KU-257/08 od 13.8.2008. godine; Dopuna izvještaja o počinjenom krivičnom djelu MUP-a RS, CJB Trebinje broj KU-257/08 od 26.8.2008. godine; Dopuna obrazloženja izvještaja o počinjenom krivičnom djelu MUP-a RS, CJB Trebinje broj KU-257/08 od 27.10.2008. godine; Dopuna obrazloženja izvještaja o počinjenom krivičnom djelu MUP-a RS, CJB Trebinje broj KU-257/08 od 12.11.2008. godine; Akt MUP-a RS, CJB Trebinje broj: 12-02/4-230-562/08 od 03.12.2008. godine sa 116 transkripata snimljenih razgovora nadziranih telefonskih brojeva popisanih u aktu od rednog broja 1 zaključno sa rednim brojem 116; Akt MUP-a RS, CJB Trebinje br: 12-02/4-230-68/09 od 17.02.2009. godine sa dva CD-a kako je navedeno u aktu; Naredba za pretresanje stambenih, poslovnih i drugih objekata, motornih vozila i pokretnih stvari, MUP RS, CJB Trebinje, broj: 12-02/4-230-420/08 od 23.08.2008. godine, po odobrenju Tužioca Tužilaštva BiH a na osnovu usmene naredbe Sudije za prethodni postupak Suda BiH; Naredba Suda BiH za pretresanje pokretnih stvari i privremeno oduzimanje predmeta broj. X-KRN-08/572 od 16.09.2008. godine; Dopis Okružnog tužilaštva u Trebinju broj: Kta:246-1/08 od 04.12.2008. godine sa svim priložima (**pretres iz maja mjeseca 2008. godine – Prce, Jurković, Čoko**) navedenim u dopisu, uz Potvrdu o privremenom oduzimanju predmeta FUP Sarajevo, Sektor kriminalističke policije broj: 13/4-Sl od 16.05.2008. godine i Potvrda o privremenom oduzimanju predmeta br: 13/4-sl-1 od 16.05.2008. godine FUP, Sektor kriminalističke policije, sa oduzetim predmetima od Jurković Zdravka;

- Jedna Sim kartica ser.br. 03000624202316 Eroneta,
- Jedan mobilni telefon crno-sive boje marke „Nokia 7360“ sa pripadajućom SIM karticom ser. br. 356441011916174,
- Jedan mobilni telefon crno sive boje marke „Nokia“ ser.br. 35805612693594 sa pripadajućom SIM karticom,
- Jedan mobilni telefon marke „Nokia“ ser.br. 356990016273189 sa pripadajućom SIM karticom,

- Jedan mobilni telefon crno-sive boje marke „Nokia“ ser.br. 359774002124037 sa pripadajućom SIM karticom,
- Četiri SIM kartice serijskog broja 89385022001004115854, 8938703000623336396, 8938703010010106203, 99340747347300,
- Jedan SIMPA korisnički paket – kartica sa korisničkim brojem 0996809571,
- Dio omota Hej paketa sa korisničkim brojem 38763708639,
- Jedan Start paket Tele 2 korisničkog broja 385958268853 bez sim kartice,
- Četiri radio komunikacijska uređaja marke „TOPCOM“,

*Potvrda o privremenom oduzimanju predmeta br: 13/4-sl1 od 16.05.2008. godine, Potvrda o privremenom oduzimanju predmeta br.13/4-sl-3 od 16.05.2008. godine FUP, Sektor kriminalističke policije sa oduzetim predmetima od Čoko Mileta:*

- Jedan mobilni aparat marke „Samsung“ crno-sive boje sa pripadajućom SIM karticom korisničkog broja 063/359-190 bez PIN-a,
- Jedan mobilni aparat marke „Samsung“ sivo-plave boje sa pripadajućom SIM karticom korisničkog broja 063/359-015 sa PIN codom 0000,
- Jedan mobilni aparat marke „Samsung“ crne boje sa pripadajućom SIM karticom korisničkog broja 063/362-660 sa PIN codom 0000,
- Jedan mobilni aparat marke „Samsung“ roza boje sa pripadajućom SIM karticom korisničkog broja 063/438-621,
- Crni podmetač za automobil na kojem se nalaze tragovi suhe zeljaste materije koja svojim izgledom asocira na opojnu drogu Cannabis Sativa L pronađena u garaži.

*Potvrda o privremenom oduzimanju predmeta br. 13/4-sl/08 od 16.05.2008. godine, Potvrda o privremenom oduzimanju predmeta br. 13/4-sl2/08 od 16.05.2008. godine, te Potvrda o privremenom oduzimanju predmeta br. 13/4-sl3/08 od 16.05.2008. godine, FUP, Sektor kriminalističke policije sa oduzetim predmetima od Prce Ante:*

- Mobitel marke „Samsung“ crne boje, telefonskog broja 063/404-204 vlasništvo Ante Prce,
- Mobitel marke „Nokia“ bijelo crvene boje, telefonskog broja 061/499- 736, vlasništvo Kristine Prce,
- Ultra Start paket BH mobile sa korisničkim brojem 387 62 455 844,
- Hej SIM kartica serijskog broja 89387030006233185507, VIP SIM karticu ser br. 8938591105090697058 (super SIM), uputstvo za upotrebu SIM kartice i plastična providna kutija sa naljepnicom na kojoj piše MSISDN 38763784575, ICC8938703000621915753,
- Mobilni telefon marke „Nokia“ crno-bijele boje sa SIM karticom ser.br. 8938703010011546381 pronađen u PMV marke Bora reg.oznaka 569-J-894 plave boje,

- *Žuta kesa u kojoj se nalaze tri selotejp trake, skalpel, svjetloplava kesa i žuta kesa u kojoj se nalaze ostaci zeljaste amterije koja asocira na opojnu drogu marihuna, plava kesa u kojoj se nalaze ostaci zeljaste materije koja asocira na opojnu drogu Cannabis,*
- *Plastika-spremište ispod sjedišta motora sive boje unutar koje se nalaze tragovi suhe zeljaste materije koji svojim izgledom asociraju na opojnu drogu Cannabis,*
- *Plava putna torba unutar koje se nalaze tragovi suhe zeljaste materije koji svojim izgledom asociraju na opojnu drogu Cannabis.*

*Izveštaj o izvršenom pretresu, MUP RS, CJB Trebinje, broj: 12-02/4-230-427/08 od 27.08.2008. godine; Izveštaj o izvršenom pretresu, MUP RS, CJB Banja Luka, broj: 08-02/4-334,335/08 od 26.08.2008. godine; Izveštaj o izvršenom pretresu, FUP, broj: 13/4-262/08 od 26.08.2008. godine; Izveštaj o izvršenom pretresu, FUP, broj: 13/4-265/08 od 26.08.2008. godine; Zapisnik o pretresanju stana i drugih prostorija MUP RS, CJB Trebinja broj 12-2/4-180/08 od 26.8.2008. godine; Potvrda o privremenom oduzimanju predmeta MUP RS, CJB Trebinje broj 12-02/4-136/08 od 26.8.2008. godine (Ilić Željko) sa oduzetim predmetima: - Mobilni telefon marke „Nokia“ model 1208 bez SIM kartice. Zapisnik o pretresanju stana i drugih prostorija MUP RS, CJB Trebinja broj 12-02/4-179/08 od 26.8.2008. godine; Potvrda o privremenom oduzimanju predmeta MUP RS, CJB Trebinje broj 12-02/4-135/08 od 26.8.2008. godine (Glušac Nikola) sa oduzetim predmetima: - Mobilni telefon marke „Nokia“ korisničkog broja sive crne boje 065/185-101; Zapisnik o pretresu putničkog motornog vozila MUP RS, CJB Trebinja broj 14-02/4-199/08 od 16.9.2008. godine; Dvije Potvrde o privremenom oduzimanju predmeta MUP RS, CJB Trebinje broj 14-02/4-60/08 od 16.9.2008. godine (Glušac Nikola); Zapisnik o pretresanju stana - drugih prostorija i putničkog motornog vozila MUP RS, CJB Banja Luka broj 08-02/4-334/08 od 26.8.2008. godine; Zapisnik o pretresanju stana i drugih prostorija – advokatske kancelarije broj 08-02/4-335/08 od 26.8.2008. godine; Potvrda o privremenom oduzimanju predmeta MUP RS, CJB Banja Luka broj 08-02/4-113/08 od 26.8.2008. godine (Ćulum Marica) sa oduzetim predmetima: - Mobilni telefon marke „Samsung“ na preklap zlatno-smeđe boje sa pripadajućom SIM karticom broja 065/520-350; Zapisnik o pretresanju PMV, MUP RS, CJB Trebinja broj 14-02/4-200/08 od 16.9.2008. godine; Dvije Potvrde o privremenom oduzimanju predmeta MUP RS, CJB Trebinje broj 14-02/4-71/08 od 16.9.2008. godine (Samardžić Boris); Zapisnik o pretresanju stana i drugih prostorija MUP RS, CJB Trebinja broj 12-02/4-187/08 od 26.8.2008. godine; Potvrda o privremenom oduzimanju predmeta MUP RS, CJB Trebinje broj 12-02/4-133/08 od 26.8.2008. godine (Samardžić Boris) sa oduzetim predmetima: - Mobilni telefon marke „Nokia“ sa sim karticom 065/795-081, - Mobilni telefon marke „Nokia“ sa sim karticom 065/425-019; Zapisnik o pretresanju stana i drugih prostorija MUP RS, CJB Trebinja broj 12-02/4-188/08 od 26.8.2008. godine; Zapisnik o pretresanju stana i drugih prostorija MUP RS, CJB Trebinje broj 12-02/4-191/08 od 26.8.2008. godine; Potvrda o privremenom oduzimanju predmeta MUP RS, CJB Trebinje broj 12-02/4-132/08 od 26.8.2008. godine (Bjeletić Ilija) sa oduzetim predmetima: - SIM kartica broj:*

033006222501818 GSM, - SIM kartica Monet GSM broj: 89381007800259015; Zapisnik o pretresanju pokretnih stvari i uređaja MUP HNK, Sektor kriminalističke policije Mostar br: SI/08 od 26.08.2008. godine; Zapisnik o pretresanju stana i drugih prostorija MUP HNK, Sektor kriminalističke policije Mostar broj SI/08 od 26.8.2008. godine; Potvrda o privremenom oduzimanju predmeta MUP HNK, Sektor kriminalističke policije Mostar, broj SI/08 od 26.8.2008. godine (Jurković Zdravko) sa oduzetim predmetima: - Mobilni telefonski aparat marke „Nokia“ crvene boje sa telefonskom karticom 063/350-251; Zapisnik o pretresanju pokretnih stvari i uređaja MUP HNK, Sektor kriminalističke policije Mostar broj 02-02/3-2-SI-1/08 od 26.8.2008. godine; Zapisnik o pretresanju stana i drugih prostorija MUP HNK, Sektor kriminalističke policije Mostar broj 02-02/3-2-SI/08 od 26.8.2008. godine; Zapisnik o pretresanju MUP HNK, PU Čapljina broj 02-02/6-2-04-SI-1/08 od 26.8.2008. godine; Potvrda o privremenom oduzimanju predmeta MUP HNK, Sektor kriminalističke policije Mostar broj 02-02/3-2-SI-1-1/08 od 26.8.2008. godine; Potvrda o privremenom oduzimanju predmeta MUP HNK, Sektor kriminalističke policije Mostar broj 02-02/3-2-SI-1/08 od 26.8.2008. godine (Prce Ante) sa oduzetim predmetima: - Mobilni aparat marke „Samsung“ crne boje model G600 sa telefonskom karticom broja 063/200-680; Zapisnik o pretresanju stana, drugih prostorija i pokretnih stvari FUP, Sektro kriminalističke policije broj 13/4-5/08 od 26.8.2008. godine; Zapisnik o pretresanju stana, drugih prostorija i pokretnih stvari FUP, Sektro kriminalističke policije broj 13/4-9/08 od 26.8.2008. godine; Potvrda o privremenom oduzimanju predmeta FUP, Sektro kriminalističke policije broj 13/4-5A/08 od 26.8.2008. godine; Potvrda o privremenom oduzimanju predmeta FUP, Sektro kriminalističke policije broj 13/4-5/08 od 26.8.2008. godine; Potvrda o privremenom oduzimanju predmeta FUP, Sektro kriminalističke policije broj 13/4-5G/08 od 26.8.2008. godine; Potvrda o privremenom oduzimanju predmeta FUP, Sektor kriminalističke policije broj 13/4-5II/08 od 26.8.2008. godine; Potvrda o privremenom oduzimanju predmeta FUP, Sektro kriminalističke policije broj 13/4-5D/08 od 26.8.2008. godine; Potvrda o privremenom oduzimanju predmeta FUP, Sektor kriminalističke policije broj 13/4-5F/08 od 26.8.2008. godine; Potvrda o privremenom oduzimanju predmeta FUP, Sektro kriminalističke policije broj 13/4-5E/08 od 26.8.2008. godine; Potvrda o privremenom oduzimanju predmeta FUP, Sektro kriminalističke policije broj 13/4-5C/08 od 26.8.2008. godine; Potvrda o privremenom oduzimanju predmeta FUP, Sektro kriminalističke policije broj 13/4-9/08 od 26.8.2008. godine; Potvrda o privremenom oduzimanju predmeta FUP, Sektro kriminalističke policije broj 13/4-9A/08 od 26.8.2008. godine (Ramić Sabro i Kogoj Andrea); Svi oduzeti predmeti navedeni u potvrdama od rednog broja 88. do rednog broja 97. prijedloga dokaza ove optužnice i to:

- Mobilni aparat marke „Samsung“ ljubičastoplave boje sa pripadajućom SIM karticom,
- Certifikat ultrastart paketa Eronet tel.broja 063/824-813,
- Tri start paketa od kojih dva BII Telecoma ser.br. 8938762020125432012 i 8938762020121749674, jedan ultra certifikat za korisnički broj 38762543201, Start paket „Tele 2“ za telefon broja 0958863402,

- *Jedan mobitel marke „Motorola“,*
- *Jedan mobilni aparat „Ericsson“ ljubičasto sivo bijele boje bez SIM kartice,*
- *Mobilni aparat marke „Samsung“ crne boje tel. br. 061/104-979 bez SIM kartice,*
- *Mobilni aparat marke „Sony Ericsson“ sive boje sa ultra SIM karticom,*
- *Bežična mobilna stanica fiksnog telefona marke „Panasonic“,*
- *Jedan mobilni telefon marke „Samsung“ sa umetnutom GSM SIM karticom korisničkog broja 061/104-979,*
- *Rokovnik plave boje oblijepjen smeđom selotejp trakom,*
- *Kartonaska ambalaža sa oznakom LG u kojoj se nalaze tragovi zeljaste materije,*
- *Kućna vaga za mjerenje marke „Prima“,*
- *PVC kutija sa sadržajem NN zeljaste materije,*
- *Dvije digitalne vage jedna bijele, druga sive boje,*
- *Više PVC kesa sa natpisom „Konzum“ sa tragovima NN zeljaste materije,*
- *Jedna PVC kesa narandžaste boje u čijoj unutrašnjosti se naleže jedan pravougaoni paket oblijepjen smeđom selotjep trakom sa NN zeljastom materijom,*
- *Jedna bijela PVC kesa sa natpisom „Konzum“ u čijoj unutrašnjosti se nalazi NN zeljasta materija,*
- *Jedna PVC kesa žute boje u čijoj unutrašnjosti se nalazi NN zeljasta materija umotana u prozirnu PVC foliju,*
- *Jedna crvena PVC kesa sa NN zeljastom materijom,*
- *Jedna bijela PVC kesa sa NN zeljastom materijom,*
- *Dvije PVC kese sa oznakom „Konzum“ sa NN zeljastom materijom,*
- *Jedna PVC kesa žute boje sa oznakom „Interprom Derventa“ sa NN zeljastom materijom,*
- *Jedno PVC pakovanje fiksirano smeđom selotjep trakom veličine oko 30x30 cm, visine oko 9 cm, sa sadržajem suhe zeljaste materije,*
- *Jedno PVC pakovanje fiksirano smeđom selotjep trakom veličine oko 30x30 cm, visine oko 9 cm, sa sadržajem suhe zeljaste materije,*
- *Jedno PVC pakovanje fiksirano smeđom selotjep trakom veličine oko 30x30 cm, visine oko 9 cm, sa sadržajem suhe zeljaste materije,*
- *Jedno PVC pakovanje fiksirano smeđom selotjep trakom veličine oko 30x30 cm, visine oko 9 cm, sa sadržajem suhe zeljaste materije,*
- *Jedna putnička torba plavo-sive boje,*
- *četiri manje bijele kese za oznakom „Konzum“ i jedna manja žuta kesa sa tragovima zeljaste materije,*
- *Novčanice navedene u potvrdama o privremenom oduzimanju predmeta i to: br: 13/4-5H/08, br. 13/4-5G/08; br: 13/4-5F/08 od 26.08.2008. godine,*
- *Dvije injekcije od 2 i 5 mlg,*

- Nož u kožnim crnim koricama sa oznakom „1785 Baron“;

Fotodokumentacija MUP-a RS CJB –Sektor kriminalističke policije, Odjeljenje kriminalističke tehnike i PDZ Banja Luka br. UV.1745/08 od 26.08.2008. godine o pretresu kuće Ilić Željka u ulici Stepe Stepanovića bb, Bileća; Fotodokumentacija MUP HNK,PU Čapljina od 28.08.2008. godine o pretresu obiteljske kuće Jurković Zdravka, u mjestu Crnići, općina Stolac; Fotodokumentacija MUP HNK,PU Čapljina od 31.08.2008. godine o pretresu obiteljske kuće Prce Ante, u mjestu Aladinići, općina Stolac; Fotodokumentacija MUP HNK,PU Čapljina od 31.08.2008. godine o pretresu obiteljske kuće Prce Ante, u mjestu Bobanovo selo, općina Stolac; Fotodokumentacija MUP-a RS, CJB Istočno Sarajevo, Odjeljenje krim tehnike i PDZ br:11-02/7-163/08 od 17.07.2008. godine o pretresu kuće Bjeletić Ilije, selo Golobrđe, općina Bileća; Fotodokumentacija FMUP-a br: 09-14/4-51/08 od 29.08.2008. godine o pretresu kuće u ulici Masarikova br.43; Fotodokumentacija FMUP-a br: 09-14/4-51/08 od 29.08.2008. godine o pretresu kuće u ulici Kamberović Čikma br.7; Fotodokumentacija FMUP-a br: 09-14/4-256 od 29.08.2008. godine o pretresu porodične kuće i drugih objekata Ramić Sabrevikendica, Tvrtkovac-selo Seoci; Fotodokumentacija FMUP-a br: 09-14/4-256 od 29.08.2008. godine o pretresu porodične kuće i porodičnih objekata Kogoj Andree i Ramić Sabre.

Dva CD – a sa razgovorima i transkriptima snimljenih razgovora Ilić Željka sa Bjeletić Ilijom, Kogoj Andreom, Krstović Igorem i Jurković Zdravkom, Glušac Nikole sa Krstović Igorom, Ramić Sabrom, Knežević Jelenkom, Prce Antom, Čoko Milom zv. „Daidža“, Samardžić Borisom, Jurković Zdravkom, Glušac Radivojem, Čulum Maricom, Ateljević Miodragom, Kogoj Andreom i Ilić Natašom, Bjeletić Ilije sa Skočajić Borisom, Ateljević Miodragom, Ramić Sabrom, Popović Milanom, korisnikom telefonskog broja 065-794-762 i 38268-727-066, te Samardžić Borisa i Krstović Igora.

Zatim, CD sa Nalazom pretresanja sadržaja telefonskih aparata, SIM kartica, personalnih računara i memorijskih medija MUP-a RS, Uprava kriminalističke policije, Trninić Željko, od 30.9.2008. godine i CD na kojem se nalazi Izvještaj o analizi MUP-a RS, Odjeljenje za krim obavještajne analize, broj 02/6-INT-101/09 od 3.2.2009. godine Miodraga Delića.

Konačno, Tužilaštvo je uložilo i Nalaz i mišljenje sudskog vještaka za oblast vještačenja dokumenata, novčanica, rukopisa i potpisa Ljubomira Gogića od 24.12.2008. godine u pismenoj formi.

Odbrana optuženog takođe je uložila nekoliko dokaza i to: Sporazum o priznanju krivnje Ilić Željka sa Specijalnim tužilaštvom RS, broj KT-ST-18/07 od 27.6.2008. godine, Presuda Okružnog suda u Banja Luci broj 011-0-K-08-000-006-p od 8.7.2008. godine i Rješenje Okružnog suda u banja Luci 011-0-K-08-000-006-p od 8.7.2008. godine.

Sud je utvrdio da ovi dokazi u cijelosti potvrđuju krivnju optuženog. Zaključak da je optuženi počinio krivična djela koja mu se stavljaju na teret, posebno proizilazi iz Fotodokumentacije FMUP-a br: 09-14/4-51/08 od 29.08.2008. godine o pretresu kuće u ulici Masarikova br.43; Fotodokumentacije FMUP-a br: 09-14/4-256 od

29.08.2008. godine o pretresu porodične kuće i porodičnih objekata Kogoj Andree i Ramić Sabre i Zapisnika o pretresanju stana, drugih prostorija i pokretnih stvari FUP, Sektor kriminalističke policije broj 13/4-9/08 od 26.8.2008. godine; Zapisnika o ispitivanju osumnjičenog Ilić Željka broj KT-339/08 od 27.8.2008. godine i 16.12.2008. godine; Zapisnika o ispitivanju osumnjičenog Jurković Zdravka broj KT – 339/08 od 23.09.2008. godine; Nalaza pretresanja sadržaja telefonskih aparata, SIM kartica, personalni računara i memorijskih medija MUP-a RS, Uprava kriminalističke policije, Trninić Željko, od 30.9.2008. godine, te transkripata razgovora optuženog Ilić Željka sa Krstović Igorom iz Crne Gore i Jurković Zdravkom i drugim izvjesnim osobama, te Čoko Mila zvani „Daidža“ sa drugom izvjesnom osobom, a koji transkripti su potkrijepljeni ostalom materijalnom dokumentacijom odnosno snimcima sa CD-ova, iz kojih jasno proizilazi da je optuženi Ilić Željko organizovao i rukovodio zločinačkom organizacijom kojoj su pristupili Jurković Zdravko i više njemu poznatih izvjesnih osoba sa područja Bosne i Hercegovine zajedno sa Krstović Igorom iz Crne Gore, a koja je organizovana radi neovlaštenog međunarodnog prometa opojnom drogom, marihuana – skank, sa područja Republike Crne Gore na područje Bosne i Hercegovine s ciljem dalje prodaje na području Bosne i Hercegovine i Republike Hrvatske. Navedena zločinačka organizacija vršila je neovlašteni međunarodni promet opojnim drogama u periodu od mjeseca februara 2008. godine pa sve do kraja mjeseca avgusta 2008. godine, tako što su, optuženi Ilić Željko, u direktnom dogovoru sa Krstović Igorom iz Crne Gore, kontinuirano prebacivali prethodno ugovorene količine i vrste opojne droge marihuana – skank, koje je optuženi naručivao od Krstović Igora koji bi organizovao prebacivanje preko granice iz Republike Crne Gore u Bosnu i Hercegovinu, dok je optuženi Ilić dalje organizovao preuzimanje i distribuciju iste na području Bosne i Hercegovine i dalje na područje Republike Hrvatske, na način kako je to opisano pod tačkama 1, 2, 3. i 4. izreke presude.

Sud je utvrdio da ovi dokazi u cijelosti potvrđuju krivnju optuženog, pa imajući u vidu priznanje optuženog i rezultate ponuđenih dokaza, te da na izvedene dokaze nije bilo prigovora, Sud je utvrdio da je optuženi Ilić Željko počinio krivično djelo Organizovani kriminal iz člana 250. stav 3. KZ BiH, u vezi sa krivičnim djelom Neovlašten promet opojnim drogama iz člana 195. stav 1. KZ BiH, na način kako je to opisano u izreci presude, za koje ga je i oglasio krivim.

Dana 22.09.2009. godine, Sud je optuženom Ilić Željku, uz primjenu odredaba članova 39, 42, 49. i 50. KZ BiH za predmetno krivično djelo utvrdio kaznu zatvora u trajanju od šest (6) godina i šest (6) mjeseci, koja kazna je srazmjerna težini učinjenog krivičnog djela i stepenu krivične odgovornosti optuženog te činjenici da je određena predmetnim sporazumom o priznanju krivice koji je Sud u cijelosti prihvatio. Sud je, uzimajući kao već utvrđenu kaznu zatvora od pet (5) godina i jedan (1) mjesec izrečenu Presudom Okružnog suda u Banja Luci br. 011-0-K-08-000-006-P od 08.07.2008. godine, a koju kaznu optuženi nije izdržao, u skladu sa

članom 55. stav 1. i 53. stav 2. tačka b) KZ BiH, optuženom izrekao jedinstvenu kaznu zatvora u trajanju od jedanaest (11) godina.

Odlučujući o jedinstvenoj kazni, Sud je na strani optuženog kao olakšavajuće okolnosti cijenio njegove lične i porodične prilike koje se ogledaju u činjenici da se radi o porodičnom čovjeku, ocu dvoje maloljetne djece, te lošim materijalnim prilikama u porodici (supruga nezaposlena, izdržava sebe i djecu od očeve penzije) koje okolnosti je naveo optuženi, a koje Tužilaštvo ni na koji način nije osporilo niti dovelo u sumnju pa ih je Sud našao nesporno utvrđenim.

Od otežavajućih okolnosti na strani optuženog, Sud nalazi okolnost da je isti ranije u više navrata osuđivan za raznovrsna krivična djela, a kako to proizilazi iz izvoda iz kaznene evidencije koji se nalazi u spisu, te da se optuženi već duži vremenski period bavi predmetnim krivičnim djelom u kojem cilju je organizovao i grupu za vršenje tog krivičnog djela, kao i da ranija presuda Okružnog suda u Banjaluci, kojom je oglašen krivim i kažnjen za istovrsno krivično djelo nije na njega popravno uticala da više ne čini ista ili slična krivična djela. Naprotiv, činjenjem istovrsnog krivičnog djela za koje je oglašen krivim i kažnjen pred ovim Sudom, optuženi je pokazao izuzetno visok stepen krivične odgovornosti koja prelazi u sklonost ka vršenju krivičnih djela pa je Sud optuženom izrekao jedinstvenu kaznu zatvora u trajanju od 11 godina, dakle u nešto manjem trajanju od zakonskog maksimuma propisanog članom 53. stav 2. tačka b) KZ BiH. Zbog svega naprijed navedenog, Sud je uvjerenja da će se ovakvom kaznom na optuženog popravno djelovati da ubuduće ne čini krivična djela, kao i da će se istom preventivno djelovati i na druge potencijalne izvršioce krivičnih djela. Ovakvom kaznom se zasigurno utiče i na svijest građana o štetnosti i pogubnim posljedicama vršenja krivičnih djela i o opravdanosti odnosno pravedosti kažnjavanja izvršilaca, te se na jedinstven način izražava društvena osuda učinjenog krivičnog djela, na koji način se u cijelosti postiže svrha kažnjavanja propisana članom 39. Krivičnog zakona BiH.

Na osnovu člana 56. stav 1. KZ BiH u izrečenu zatvorsku kaznu optuženom Ilić Željku uračunava se vrijeme koje je proveo u pritvoru po rješenju ovog Suda broj X – KRN – 08/572 od dana lišenja slobode 26.08.2008. godine pa do upućivanja na izdržavanje kazne, kao i vrijeme koje je proveo u pritvoru po rješenju Okružnog suda u Banja Luci broj 011 – 0 – Kpp – 07 – 000 001 – p, počev od 08.04.2008. godine pa do 08.07.2008. godine.

U skladu sa odredbama člana 110. stav 1. i 2. KZ BiH i članom 396. stav 1. i 2. ZKP BiH, od optuženog se oduzima imovinska korist pribavljena krivičnim djelom, i to iznos od 5.000,00 KM, koju je Sud utvrdio na osnovu Sporazuma o priznanju krivnje broj KT – 339/08 od 02.07.2009. godine, a kojim su se optuženi i njegov branilac saglasili da prihvataju utvrđenu visinu stečene protivpravne imovinske koristi u navedenom iznosu.

Na osnovu člana 188. stav 1. u vezi sa članom 185. stav 2. tačka g) ZKP BiH, a u skladu sa članom VII sporazuma, optuženi je obavezan naknaditi troškove krivičnog postupka u paušalnom iznosu od 300,00 KM čiju visinu je Sud utvrdio imajući u vidu složenost i dužinu trajanja postupka te imovinske prilike optuženog.

**ZAPISNIČAR**  
**Lana Ferović**

**PREDSJEDNIK VIJEĆA**  
**S U D I J A**  
**Ljubomir Kitić**

**POUKA O PRAVNOM LIJEKU:** Protiv ove presude dozvoljena je žalba Apelacionom vijeću Suda u roku od 15 (petnaest) dana od dana primitka iste.